

# Powšitkowne WOZJEWJENJA

njedźelu, 21. apryla 2013

## Nyšpor z požohnowanjom motorskich

Popołdno z požohnowanjom motorskich zahaji so njedźelu, 28. apryla, w 14 hodź. z nyšporom w Ralbičanskej cyrkwi. Po nim požohnuja so motorske. Přizamknje so wulět.

## Zhromadny dzeń za 1. a 2. lětnik

Na zhromadny dzeń přeprašuje Dekanatne dušepastyrstwo šulerki a šulerjow 1. a 2. lětnika sobotu, 4. meje, wot 9.00 do 15.00 hodź. do Don Boskoweho domu we Worklecach. Zajimcy njech so prašu hač do wutory, 30. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadzi so wot kóždeho wobdźelnika přinošk we wysokosci třoch eurow.

## Nalětni škotowy turněr

Bratrowstwo přeprašuje wšitkich lubowarjow škota na swój nalětni škotowy turněr. Wón zahaji so njedźelu, 28. apryla, w 15.00 hodź. w Krječmarjec hosćencu w Dubrjenku.

## Za wulět samostejacych so přizjewić

Samostejacy ze serbskich wosadow změja wutoru, 28. meje, swój lětuši zhromadny wulět z busom, kotryž powjedže do Rumburka. Zajimcy njech so hač do wutory, 30. apryla, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

## Putnikowanje do Krupki

Na pěše putnikowanje do Krupki su młodostni ze wšěch wosadow tež lětsa zaso přeprašeni. Procesion woteńdže njedźelu, 28. julija, z Chróscic a wróci so pjatk, 2. awgusta. Zajimcy měli so w Chróscicach na farje přizjewić, telefonowe čisło (03 57 96) 8 04 00. Boža mša w Krupce budže srjedu, 31. julija, w 10 hodź.

## Misionske přédowanja

CDje z přédowanjami lětušeho wosadneho misiona w Radworskej wosadze su hotowe. Štóž je sej je skazał, móže sej CDje na Radworskej farje wotewzać.

## Putniskej jězbje do Heiligenstadta a Korutanskeje

Lětušej putniskej jězbje z Tereziju Kubašec powjedzetej putnikow do Eichsfelda a Korutanskeje. Přenja budže wot pónđzele do srjedy, 3. do 5. junija, přenocowanje je w Heiligenstadće planowane. W nazymskich prózdninach je tydženska putniska jězba do Tinje w Korutanskej předwidžana, a to wot soboty do soboty, 19. do 26. oktobra. Dalše informacije poda a přizjewjenja přijimuje Terezija Kubašec w Radworju, telefonowe čisło (03 59 35) 2 04 25.